

Et hac eadem die Johannes Hus^{a)} Wicleffista, quia in domo, in qua Constancie hospitatus erat, doctrinam reprobam Wyclef doctematizabat ad eum accedentibus ibidemque convenientibus et monitus super hoc desistere nolebat, per d. nostrum papam habita superinde deliberacione, magis districtus est, ne doctrinam illam doctematizaret amplius, d. episcopo Tridentino, d. Frederico episcopo Augustensi et d. Ottobono decretorum doctori oratoribus regis ac magistro civium et consulibus civitatis Constancie ad id consencientibus eumque Johannem Hus ad presenciam d. nostri pape dominorumque cardinalium personaliter ducentibus, reclamante tamen et conquerente de hoc quodam milite, qui dictum Johannem Hus Constanciam duxerat, ac dicente, quod d. noster papa eidem Johanni Hus salvum conductum dederat, quod quidem papa negavit. Propter tamen querelam et verba dicti militis noluit d. noster papa, quod predictus Johannes Hus in palacio apostolico pernoctaret. Alibi ergo positus est et detentus sub custodia d. episcopi Lausanensis cameram regentis.

Eadem die rediit a d. rege Romanorum d. Henricus Lazenbuch et portavit nova certa de coronacione ipsius d. regis d. nostro pape sacroque collegio et litteras infrascriptas:

Sanctissimo in Chr. patri . . . Cum debitorum nostrorum . . .¹⁾

Die sabbatis prima mensis Decembris de mandato d. nostri pape Johannis XXIII. congregatis d. cardinalibus, prelatibus, procuratoribus dominorum et aliis in sacro concilio Constanciensi existentibus deputati et electi sunt duodecim cardinales, prelati et magistri deputati^{b)}, inter quos fuerunt revmi p. d. Cameracensis, s. Marci, de Branchaciis et Florentinus s. R. e. cardinales et rev. p. d. frater Antonius de Pereto ordinis Minorum et magister Leonardus de Florencia ordinis Predicatorum generales ministri et alii ad examinandum Iohannem Hus Wyclefistam eiusque libros et doctrinam reprobam.

Eadem die rev. in Chr. p. d. episcopus Ratisponensis cum pulcherrimo apparatu ingressus est.^{c)}

Die martis quarta mensis Decembris ingressi sunt Constanciam d. archiepiscopus Rigensis^{d)} cum aliis dominis de Prusia cum decem sive undecim curribus et pulcherrimo apparatu.

a) C: Huss (so stündig). b) B, C Ablativ. c) Satz fehlt C. d) C: Rionsen, so ursprünglich auch B.

¹⁾ Reichstagsakten VII, 239—41.